



Āperira 1989

2(2)

Koinei te wā o te hui! He pūrongo ō tēnei pānui mō ā mātou hui ki ngā kaumātua puta noa i te motu me tētahi atu ki ngā kaitā pukapuka. Kia tae atu tēnei muka ki a koe, kātahi anō mātou ka hui ki te manawa o Te Whakatōhea, arā, ki Ōmarumutu Marae, ki reira kōrero ai, whiriwhiri ai i tō tātou reo rangatira.

TE HUI A TE RŪNANGA O NGĀ PUNA MĀTAURANGA O TE REO MĀORI

Whakaōpeti ana, taiope ana ki te Te Whanga-nui-a-Tara nei te kāhui kaumātua i runga i tō mātou reo tāwhiri. Ko te kaupapa nui i karangatia ai tēnei whakaminenga kia pae mai, he titiro me kore e tūpono kei tēnei reanga pakeke ētahi whakaaro e taea ai tō tātou reo te whakaora, tō tātou reo te pupuri mō ake tonu atu.

Ko ngā rā o te hui nei ko te 12-13 o Pēpuere. Ko te wahine i aroha nui ai te hui, ko te kuia i haere mai hei māngai mō Kāi Tahu. Nāna te kōrero ko ia te kuia mōrehu o tērā iwi e mātau ana ki te reo, ā, tokowhā noa iho rātou o tōna tātai e mau tonu ana i a rātou te reo. Kei tēnei iwi pea te tauira mō tātou katoa ki te kore tātou e ū, e pākahukahu kia mau tō tātou reo.

He nui te whiriwhiri, he nui te whakawhitiwhiti whakaaro, he nui te tautohetohe, he nui te katakata, he nui te whakaaro i puta. E rima ngā mōtini i puta mai i tēnei hui hei

